素

靈

微

蘊

識略同美矣善矣莀以加矣醫學象珠於今為甚藏府喜惡 陰陽逆順罔或措意診病則不審其原處方則不察其變若 陰陽之宰運闡上聖之微言掃下士之瞽說法必軟理病無 有廖乎道光九年冬十 素靈微蘊四卷昌邑黃坤載先生所著也挟天人之與蹟演 、壽命良可悼歎得先生此書釋其義通其法其於治也庶 情大而不宏細而不越味别澠淄氣通莨管以茲況彼精 論伐陽滋陰數十百年不可譬曉以人試藥南北僉同殀 奇偶佐使之宜氣味制化之理益曹如也俗學謬妄廣設 靈微蘊序 一月陽湖張琦

三大学を大声

五聲解五色解 **於監被題目錄** 卷二 卷一 藏候解 營 經 藏 衛 脈 象 解 解 胎化解 尼耶島曼

灣 灣 造 法 解 卷三 **脾** 腸 凝 雅 雅 解 解 解 火逆解 警 悸 炉 解 解 解

芽芽生而仁腐故精术能生所以生人者精中之氣也天地 於天地一 素靈微蘊卷 帕 理動極 精相搏合而成形未形之先爰有祖氣人以氣 爲火河圖之數天 則升閥尹子無有升而不降無有降而不升降者爲水升 化也精如果中之仁氣如仁中之生意仁得土氣生意爲 於午也陰盛則下沉九地 胎 化解 則靜靜極則動靜則陰生動則陽化陰生則降陽 火天七成之 生水地六成之此陽之動極而靜 此陰之靜極而動 而爲水而其生水之根則在 昌邑黄元御坤載著 **陽生於子也** 化而不以

陽盛則

||浮九天而爲火

火而其生火之根則在於地天三

ķ.

民庭政証

終氣 善静動静之交是 陰靜 自 壬水陽奇而施陰 道 地 成 八 胐 男以坎交女以離 則知人道矣男子應坎外陰 氣 成 天與 氣含陰陽 之 地旋 陽自 降 沉 於地 陽 地 日地生 動 相 偶而承 而左升故! 生成者 則 而 未浮於 爲水先降於 有清濁清者浮 應離中之陰 凡物先生 獨陽不能生 中 主妙 運轉陽中之 而 前 合凝蹇 內陽· 爲 是為 右 生 而 火先升 地四生 後 輕 而 而善 獨陰 |成故 女 丁火坎中之 爲 金得乎地 而成陰陽 金 於左 陰沉 象 不能 動濁者沉 天九 初 外 成 ılıj 陽 成 也 知

Ü

為內守結五藏以爲宮城開五官以爲門戸腎以藏精開 陰之降也自 民能致蓝 陰魄已成魄藏於氣降而生精升降之間黃庭 **沓水火咸應先後之不齊也壬水先來丁火後至則陽包** 意在焉是日五神五神旣化发生五氣以爲外衛產五精以 於耳生骨而榮髮心以藏神開竅於舌生脈而榮色 魂開竅於目生筋而榮爪肺以藏魄開竅於鼻生皮 **牌以藏意開竅於口生肉而榮脣氣以煦之血以喬** 神發 化潛滋黙長形完氣足 東神未發也而神之陽魂已具魂藏於 火位於南水位於北陽之升也自 西 へ会 而北在 西為金陰之在西精未凝也而精之 十月而生乃成為 東而 人其或 四連土 血 南 开則 在東 宛鄰書屋 产 肝以 男或 而祭 中 化 百 神 藏

則成女非秉父氣則為男秉母氣則爲女也生理皆 男坤道成女 |行各五是爲二十五人生人之大凡也五行異氣情貌 、秉木氣也陰陽和平之人秉土氣也陰陽二十五 絕者氣秉之不均也靈樞通天分言五態之人 水氣也太陽之人秉火氣也少陰之人秉金氣也少陽 性質運命高 女丁火先來壬水後至 而人之受氣叉有偏完偏實之不 人是秉五氣之全者一 者以坤體而得乾爻則成男以乾體 下霄壤推其原始總由 一則陰 二氣 包 叉分左右左右叉分上 加 氣而分祖氣 濁厚薄之迥 流得 坤 、太陰之 同而 人備

為涼共化為飲其政為勁其命霧露其變肅殺其合皮其祭 脚氣 交魂者自陰而之陽陽盛 **分 閉塞 其 變凝 烈 其 合 骨 其 榮 髮 也 五 藏 者 所 以 藏 精** 心五藏皆有精而藏之於腎神爲陽而精爲陰土居陰陽之 **台 意肺藏氣氣 金魄腎藏 特精 含志五 藏皆有神而藏之於** 魄者也靈樞本神肝藏血血含魂心藏脈脈舍神脾藏營營 民配政 也腎氣 司化其時 陰 司藏其時應冬其性為稟其化為肅其政爲静其 有陰得金氣之收則陰降而質結蓋陰濁則有質 動注其合 也 而其中有陽得木氣之散則陽升 × 長夏其性静兼其 內其榮屑也肺氣主收其時應秋其性 則生神魄者自陽而之陰陰盛 化為盔其政為語其 五 宛鄉書

濁而暗 陽之貴賤矣五行之理相生 先見氣 東而長於南陰收於 其死也神魂去而精魄存氣雖 長之位 而氣靈也地之木火土金水者 寒者五行之氣也天氣盛於東南地 則 有氣 之虚 古人以 之氣温旣長 西北者收藏之位陽主生長陰 **露者則為** 而死於秋冬人之大凡陽盛 升魂為貨降魄為 質 四 則爲夏六陽在 M 神 而質之魄先生 質 以 之静凝者 氣非 **达而質仍在也於** 賤秣 五行之 相生以質譚 將 魂向陽 則為精 氣盛於 則 壯陰 質 主 则 一收藏 神清 為春 也 氣而氣 而魄向陰 天之 西北 子所 盛 此 陽生 則老 而 可悟陰 一陽在 明 東 風 謂

ヨー見る

则 冬之氣寒天氣 質生金金之質生水水之 之温温生 風氣金氣 炎則金不 方之寒其 為秋三 故 過 妙克則見制伏之巧亦克以氣而 過 肅 相生全是氣化非木之質生火火之質生土 南方之熱熱生中央之濕濕生西方之凉凉 以土氣 一燥則水 **| 收則木不達故温之以熱氣水氣過** 故聚之以藏 也木氣過散則土不堅故飲之以收氣火氣 在 日 一放秋之 m 水升則火降火降則金肅 74 相生則無不及相克 周將寒則涼將熱則温故寒生夷 質生木也成 氣土氣過濕則水不升故散 既職則爲冬六陰在上汉 質則不能生 則無太過 金肅則木 潤則 矣

記及知

宛鄰書

也直 也善乎庚桑子之言草鬱則爲腐樹鬱 **译火金共權在土** 味也葢水宜浮而火宜沉木宜 氣之不運 四象轉運之 作酸炎上作苦從革作辛稼穑作 日從革火日炎上水日潤 則水升 一十者稼穑之正位平則不見不平則見甘味之見者 一行形質而論生克逝其遠矣尚書洪範沐日曲 也五氣堙鬱而後五味以生 曲者木氣之不升也從則金降革者金氣之不 一機潤下者水氣之不浮也炎上者火氣之不沉 一動則運 土氣不運 別四維莫轉此五 下土爰稼穑此五行之性 一則鬱陽盛 一升而金宜降土居 甘潤下作鹹此五 則為蠹 |五藏乃病升水木 而生病者千百之 一味鬱 人變則為病 中皇是為 生 也

肺 氣通於目肝和則目能辨五色矣心氣通於舌心和則舌能 **舌鼻耳目五官之候靈樞脈度五藏常內閱於上七竅** 戊已其神為鳳皇其竅通於口故脾腎心肝肺百官之 三八 原語文 丁四 卶 為坎共神為元龜其竅通於耳肝之氣為震其神為蒼龍其 竅通於 五味矣 則身能 陰也五官陽也陽升於陰陰降於陽頭上七竅位為 目肺之氣爲兌其神爲伏虎其駁通於鼻脾之氣爲 |獨陽性清虛清虛之極神明出焉五 **脾氣通於口脾和則口能知五穀矣肺氣通於** 知臭香矣腎氣通於耳腎和則耳能 134 聞五音矣 宛解 司 則 也 肝

華子心之氣爲

而生病者盡

人皆是此凡物之大情也五藏阴竅

離其神為朱鳥其竅通於舌腎之

黑 対象が 陰 生於內 液 滓 六府者所以受水穀 陽升於心肺穀精爲陰入於腎肝腎爲純陰陰極則陽 此霧氣由藏 毛是謂六經之氣霧氣降灑 沉降故七竅靈通老 入於 性 下傳精微上奉化為霧氣歸之於肺肺 家者 親 而盛: 心血入於肝精入於腎是謂五藏之精陽根 内自皮 腎位於下肝位於左 神氣之所游行而出入也壯則陽旺 而經 於外陰根 名 而絡自絡 由 經 則陽衰而神散濁陰 而行化物者也水穀 於陽故生於外 而絡由絡 而經自經 化而爲水津液精 肺位於右 而播宣皮腠熏膚充 而歸趨 而盛 脾位 填凑故七竅 入胃脾氣消 可氣而主 一於內 一藏府津入 於中 血於 而 於 皮 於 身

經下行 則 素虚散塩 火泄則膀胱熱漩而水道 、天暑衣厚腠理開發則外泄而為汗天寒衣薄腠理閉 **升於肺是為肺氣肺氣清降化而為水游溢經絡表裏皆** 因 行 趨 火之 八谷)泄陷 腸 中焦氣水之交故如漚醬之如釜 而成泄利泄利之家膀胱熱遊而脾腎寒滑 下焦之水獨盛故如濱氣性 也 靈樞營衛生會上焦如 閉火泄脾虚 不能蒸水化氣 霧中焦 火炎水沸

如

斯 書屋

而司水道下焦之火祕則膀胱清利而水道 而爲溺膀胱者水之壑也三焦之火暄膀胱太陽之 通

也

則陰

生

故

亦

有精

下亦有氣

下之気局

一之精陰之根也飲入於胃脾陽蒸動化爲雲霧

飛矣六府陽也而陰精化焉非六府之化 能 陰 以吸陽故 水濱也列子屬天者清 陽祕是 滿陰陽互根 海也故滿而 則熱氣之升騰霧也中則泡波之起滅漚也下則釜底之 不下走陰自至陽 一陰盛之處而 藏真地氣故藏 神不上 難老陰在內陽之守也陽在外陰之衛 五藏陰也而陽神藏焉非五藏之藏 不能實六府者傳化物而不藏也故實而 一般陽以照陰故精不下流陽盛之處而 之位 而不瀉五藏別論五藏 則陰固於外陽如珠玉陰 陽已化故陽自至 而散屬地者濁而聚 而降之使陽不上 陰之位而 則陰精竭矣葢 越 府稟天氣 E 者藏精氣 升之 也 則陽 陰 故海 包陰 使

太陰為表裏少陽與厥陰為表裏手經與手配足經與足配 氣之不循經者為衛氣其精氣行於經者為營氣靈樞決氣 置之民矣 壅遏營氣令無所避是謂脈藏脈為陰府脈爲陽脾腎肝膽 小腸經行於手是謂手之三陰三腸脾肺之經太陰心腎之 **到了一层发生** 珠於蚌完玉以璞而昧者不知棄珠玉而珍蚌璞是之謂倒 八藏六府是生十二經經氣內根於藏府外絡於肢節其浮 :膀胱經行於足是謂足之三陰三陽肺心心包三焦大 經陽明膀胱小腸之經太陽太陽與少陰為表裏陽明與 少陰肝與心包之經厥陰膽與三焦之經少陽胃與大腸 經脈解 1 2/1/2

行少陰心主之前下肘下循臂內上 陽之脈下循鼻外入下齒· 手陽明之脈起於次指之端循指上 魚際出大指之端其支者從腕後循次指內廉出其端大腸 石之左上挾鼻孔胃足陽明之脈起於鼻之交額中 之前廉 經絡 入兩筋之間循臂上 下絡大腸還 完後下原出大迎循頻車上耳前過客主 **|者從缺盆** 迴環 一出於柱骨之會上下入缺盆絡肺下膈屬大腸 運行不息也靈樞經脈肺手太陰之脈起於 上頭貫 補胃 元 |廉入肘外廉上臑外前廉上||肩出髃骨 (頰下入齒中還出挾口交人中左之右 膈 一中還出挾口環層下交承漿却從 屬肺從肺系橫出腋下 一骨下廉 |廉出合谷||兩骨之間 人循髮際 入寸口上 魚循 焦

起於大指之端循指內側白肉緊過核骨後上內踝前廉上 三人二年 少人 **手少陰之脈起於心中** 外間其支者別跗上 膈 1 脛骨後交出厥陰之前 咽連舌本散舌 **人足跗** 下乳內廉下挾臍 入中指 系其直 街中而合 迎 一之後 者復 出屬 内間其支 下其支 、大指間出其端 入氣 嚨 J. 下髀関抵伏鬼 〈者復從 系 | 膝骨內前廉人 心系却上 者下廉三寸而 街中其支者起 膈 **脾足太陰之** 下膝 腹 出 於 屬牌 注心 別下 顝 世子に日本

耳上角其直者從顧別絡腦還出 丙側 之端 中其支者從髆內左右別 猛 1銳眥 一絡心循 小指之 在 兩筋 入循 入掌 却 太陽之 端 内後 **齊絡腎屬膀胱其支者** 膕中以 咽 、耳中其支者別頰上 間上 循手外側 膈 ~脈起 一循馬外 抵 下質 循 小指 胃 於 上腕 属 小指之下斜趨足心出於 腦內出 後廉此肩 下貫胛挾 之內出 目 小腸其支者從缺盆 出 内眥上 「踝中直 外踝之後 其端 從 順抵鼻至 別下項循 、斧內過 一額交 解繞 腰中下挾脊貫 上循臂骨外廉 小腸 顛 肩胛交肩 一牌樞循 其支者 肩膊 目內眥斜 手太陽 循頸· 内挾 臀 小 脈 頰

兩筋之間入掌中循中指出其端其支者別掌中出名指之 入缺盆布膻中散絡心包下膈屬三焦其支者從膻中上 **腕出臂外兩骨之間上貫肘循臑外上肩交出足少陽之後** 起於胸中出屬心包絡下膈歷絡三焦其支者循胸出脇 素靈败塩 下循內踝之後別入跟中以 |本其支者從肺出絡心注胸中心主手厥陰心包絡之脈 三焦手少陽之脈起於名指之端上出兩指之間循手表 **|脊屬腎裕膀胱其直者從腎上貫肝膈入肺中循喉嚨挾** 入耳中出走耳前過客主人前交頰至目銳皆膽足 |項挾耳後直上出耳上角以屈下頰至頔其支者從 《卷一 上腨內出膕內廉上 一 宛 都 書屋 一股内後

厥陰之 支者别跗上 過季脇 抵於順下加頻車下頸合缺盆以下胸中貫膈絡肝屬贍循 肠裏出氣街繞髦際橫入髀厭中其直者從缺盆下腋循 頂 一踝八寸交出太陰之後上膕內廉循股陰入毛中 下抵絶骨之 之脈起於目銳眥上抵頭角下耳後循頸行手少陽之前 耳前至目銳皆後其支者別銳皆下大迎合於手少 脈起於大指叢毛之際上循足跗上 一却交出手少陽之後入缺盆其支者從耳後入耳中 合髀厭中以下循 一循大指岐骨内出其間還貫爪甲出三毛肝足 一端下出外踝之前循足跗上 一貫膈布脇肋循喉隴之後上入頹 **髀陽出膝外廉** 廉去內踝 入名指之間其 下外輔骨之前 過陰 胸

陽明次則少陽次則太陰次則少陰次則厥陰近於骨矣陽 注肺其支者從目系下頻裏環層內此經脈之起止即營氣 陰在前厥陰在中少陰在後陽經之次陽明在前少陽在中 行於股外手之陰經行於臂裏陽經行於臂外陰經之次太 後俱在中央足陽明在任脈之次二次手陽明三次手太 皆行於頸項而會於督之大推頸脈之次任行於前督行於 太陽在後手之陰經自胸走手陽經自手走頭足之陽經 足陰 、也陽經在表陰經在裏太陽居外皮毛之分也次則 府絡藏陰經則屬藏絡府足之陰經行於股裏陽經 經自足走胸手三陽自手走頭足三陽自頭走 脈會於與其支者復從肝別質隔 陽

5克医发 蓝

/ 尖

前少陽厥陰行身之側除足太陽外陰陽皆會於宗筋手經 陰陰中之太陰也皆升葢手足陰陽濁中之清者則從下面 陽中之少陰也皆降足之三陽陰中之少陽也皆降足之三 經則降陰經則升手之三陽陽中之太陽也皆升手之三 類相從而發見於背膂也手之陽經則升陰經則降足之陽 外踝藏府之募皆在前散見諸脈而腧則在後發於太陽之 悉行於手惟手少陽并足太陽而下行出膕中貫踹腸而入 連脊骨督脈之部也在項之脈任督各一其餘左右各二合 四次足少陽五次手少陽六次足太陽七次則項之中央下 一十四經足經之部太陽少陰行身之背陽明太陰行身之 經以人身前陰而後陽故太陽為諸陽之主藏府之陽以 陰

吳珠陽性熱陰性寒陰陽平者下反温而上反病以陽降 長屋後藍 **陽性輕捷而陰性遲重故也五藏開竅於五官清陽由經脈** 氣降為終氣則陽盛於手而陰盛於足故手巧而足拙以 走空竅濁者下行諸經清氣升則孔竅靈故能辨聲色 生凡物之理窮則反終則始也陽受氣於四末故四肢 清中之濁者則從上而降太陰陽明論陰氣從足 升也經脈之中清者升而濁者降靈樞陰陽清濁其清者 **陽之本然陽升於手而降於足陰升於足而降於手升** 而 下行循臂至指端陽氣從手上 开而化清陽故也手足之經陰陽各三 **学**关 而下陰病者下行極而上以陰及則陽生陽極 | 行至頭而下行至足陽 宛鄰書屋

者則爲別詳見靈樞經別經筋者十二經之筋也起於各 則為正內則藏府表裏之經相為絡屬及本經之支派他交 分道而行所行之道多與經脈相同獨足之三陰始同終異 化氣而為燥經別者正經之別行者也營於脈中直道而行 也從母化氣而爲濕手陽明以燥金主令足陽明土也從 少陽木也從子化氣 **手少陰以君火主令足少陰水也從火化氣而爲熱足太** 主令手厥陰火也從母化氣 寒水主令手太陽火也從水化氣而為寒足厥陰以風 則在 經筋皆始自爪甲而結於脫踝聚於肘除 四肢谿谷之間以諸筋皆屬於節也肝主筋 而爲暑足太陰以濕土主令手太陰 而為風手少陽以相火主令足 赐

ヨスの姿

永肯而 蹄者起於跟 至風府 **廖維陰維也二十八難督脈者** 會陰維起於諸陰交也 们 悶 災缸 例 利機關也 滿 至咽喉· 陰筋 入屬於腦任脈者起於中極之下以上毛際循 行交貫衝脈 Ų 溢不拘於經 而 肌 肉維 中循 則柔約束 上頭循 三至胸中 見靈樞經常 外踝上行入 多陽維陰 丙膨嚴 凡此八脈者經 而散帶脈者起於季腦迴身 面入目絡舌衝脈者起於氣衝 百骸而會於宗筋故痿論宗筋 筋奇經者督任衝 維 者維絡 風池陰蹻者亦起於 起於下極之俞並於脊 頭面大 筋爲網 脈之 帶陽騎 三世和 跟 周 並

之端也其絡循陰器合篡間別繞臋至少陰與巨陽中絡 諸陰之領衝則挾臍上行為諸經之海督行於後而亦行於 陰 乙下中央是督脈之前行也葢任督本 前骨空論督脈起於少腹以下骨中央人繫延孔其孔濁 **大絡腦還出別下項循肩帶內挾脊抵腰中人循膂絡腎** 別道自行諸經不能復拘也任督衝三脈一 督則循背而行身後爲諸陽之綱任則循腹而行身前爲 人不能復圖也經脈隆盛入於八脈而不環周故八脈溢 直上者貫臍中央上貫心入験 上股內後廉貫脊屬腎與太陽起於目內眥上額 上頭環唇上繫可 一脈以前後而異 源同起於

三多豆文品 | 蹈主左右之陽陰퉉主左右之陰陽維主| 身之表陰維主 與少陰之大絡起於腎下出於氣街循陰股內廉邪人 行也陽蹻陽維者足太陽之別陰蹻陰維者足少陰之別陽 循京骨内廉並少陰之經下入內踝之後入足下其別者 八踝出屬跗上入大指之間注睹絡以温足脛是衝脈之 身之裏帶則橫束一 經直入掌散入於魚際手少陰之別名日通里去腕 也靈樞經別手太陰之別名日列缺起於腕上分間 行循經入於心中繫舌本屬目系手心主之別名 |而亦行於下靈樞動輸衝脈者十 身之脈者也別絡者諸經别出之大 一經之海 並太

其別者入絡腸胃足少陰之別名日大鍾當踝後遶 別名 絡族嗌足太陰之別名日公孫去本節之後一寸别走陽 踝五寸别走厥陰下絡足跗足陽明之别名曰豐隆去踝 寸别走太陰其别者循脛骨外廉上絡頭項合諸經之氣 系手太陽之別名日支正上腕五寸內注少陰其別者 鑑薦去內踝五寸别走少陽其别者循脛上 别名日外閣去腕二寸外繞臂注胸中合心主足太陽之 上循臂乘肩髃上曲頰徧齒其別者入耳合於宗脈手少陽 日飛揚去踝七寸別走少陰足少陽之別名日光明去 關 手陽明之别名 並經上走於心包下外貫腰脊足厥陰之 日偏歷去腕三 一寸別入太陰其別 跟别走 别

也此又胃之一大絡也諸經之絡各一而脾胃之絡則 散頭上下當肩胛左右別走太陽入貫筲脾之大絡名日大 医定发证 處條別不相紊亂已 之大絡名日虛里貫膈絡肺出於左乳下其動應衣宗脈氣 經脈十二左右二十四奇經人脈左右十四別絡十六左右 包出渦液下三寸布胸脇此十丑絡也素問平人氣象論胃 脈之別名 三十共六十八脈相隨而上下陰脈營其藏陽脈營其府區 孫孫絡三百六十五此外絲分而縷析焉巧歷不能得矣 胃者諸經之本故也經脈為裏支而橫者爲絡絡之別者 営衛解 日尾翳下鳩尾散於腹督脈之別名日長強挾膂 日本を

一中六尺五寸六六三丈六尺五六三尺合三丈九尺蹻脈 之六陽從足至頭八尺六八四丈八尺足之六陰從足至 宗氣宗氣者所以貫心肺而行呼吸營氣之行以息往來葢 至胸中三尺五寸三六一丈八尺五六三尺合二丈一尺足 脈度手之六陽從手至頭長五尺五六三丈手之六陰從 五動閏以太息脈六動一動脈行一寸六動脈行六寸靈 血之動氣鼓之也人一呼脈再動一吸脈再動呼吸定息脈 脈中之血其名日營血中之氣是日營氣營氣在脈隨宗氣 者為營濁者為衛營行脈中衛行脈外一 而行穀精之化營氣其大氣之摶而不行者積於胸中命 日一夜周身五

長霊数塩 每刻一百三十五息一息氣行六寸十息氣行六尺一百三 百息上下左右前後二十八脈以應二十八宿周天二十八 **福宿三十六分一日之度一千八分漏水下百刻以分晝夜 一五息人氣半周於身脈行八丈一尺下水一刻日行十** 一百七十息氣行十六丈二 ·分五百四十息人氣再周於身脈行三十二丈四尺下 二丈下水二十刻日行五宿二十分一萬三千五百息 至目七尺 一尺此氣之大經隧也平人一 一千七百息人氣十周於身脈 一尺是謂 五. 周下水二 尺合九尺凡都合 日一夜 走 定鄰書屋 一萬三千 一刻日行一

如環無端晝夜五十周畢 厥陰 夜 肺 之 **泵五十**營 行陰 别於 也衛氣者 少陰太陽注足之 千八分營氣之行常於平旦寅時從手太陰之寸口 明 即經 氣 |藏二十五周其行於陽也常於平旦|寅時從足 張 始睛明者目之內眥靈樞衛氣行平旦 F 而朝 川氣 內眥下手太陽至小指之 脈之行次也終於兩蹻督 於身脈行 不隨宗氣而自行於脈外晝行陽經二十五 百脈也自手之太陰陽明注足 一行於頭循項下足 太陽少陰手之厥陰少陽注足之少陽 八百一十丈水下 明日寅時又會於氣口此營氣之 太陽至小指 任 百 **周而復始陰陽相** 刻日行二十八 之陽明太陰 陰盡陽氣 之端其 始 散 周 宿

指之端别者至耳前合於領脈注足陽明下至跗上入中指 心為陰陽主蠹陰主夜夜半為陰雕雞鳴而陰衰平旦陰盡 足心出內踝下足少陰陰蹻者足少陰之别屬於目內眥 矣太陰主內太陽主外衛氣至陽而起至陰而止各行二 而陽受氣矣日中爲陽贚日西而陽衰日入陽盡而陰受氣 月日有十二辰子午為經卯酉為緯日行二十八宿而一 之端其散者從耳下下手陽明入次指之端其至於足也入 素震微塩 七星四七二十八星房昴為緯虛張為經房至畢爲陽昴至 五度分為晝夜日行一台人氣行一周於身與十分之八 足少陽至小指次指之端以上循手少陽之分側下至名 ~ 卷 — 一死如書屋 面

於脈陰陽一日一夜各行二十五周而有奇分在身得十 於、陰藏二十五周與十分藏之二從腎至少陰之經 舍人氣行於陰藏一周與十分藏之八夜行十四舍人氣 心注於肺肺注於肝肝注於脾脾復注於腎爲一周夜行 於陰陰受氣矣其入於陰也常從足少陰注於腎腎注於心 之六日行十四舍人氣二十五周於身與十分身之二陽盡 之二日行五舍人氣行於身九周日行六舍人氣行於身十 周於身與十分身之四日行四舍人氣七周於身與十分身 行二舍人氣行三周於身與十分身之六日行三舍人氣 **周與十分身之八日行七舍人氣行於身十二周與十分身** 在三分十分藏之二合得十分之四從房至畢十 而復合

宗氣衛自起於晴明營則陰陽相間衛 相隨之義如日月之度雖不同道而並行不悖也營自起於 而化五節五藏因有小大高下堅脆端正偏傾六府亦有 同道路各異非同行於 舍水下五十刻衛氣入於陰則寐人之 感 秉五氣是 候也靈 藏侯 而生病千變不 解 刻日行 樞本藏 ~ 经一 生藏府受氣不同藏府亦 藏府者所以参天地 藏府幽深人 衛 經之謂也 氣出於 不能 所以臥起之時 別強弱殊質邪正 則夜陰晝陽起 則籍從昴至心十 而副陰陽運 (而相) 夫 形察色 宛 鄰 書屋

堅則不病欬 胸瘅喉痺逆氣高則上氣屑息欬下則居賁迫肺善脇下痛 安守固脆則善病消癉熱中端正則和利難傷偏傾則操持 傾 肺 ミブをある 中倪 而易受邪堅則藏安難傷脆則善病消癉易傷端正則和 邪弗 長短厚薄結直緩急吉凶善惡之殊由此分焉心小則 無守司也肺小則藏安少飲不病喘喝大則多飲善病 脇 偏傾則脇下痛也脾小則藏安難傷於邪大則苦凑 偏痛也肝小則藏安無脇下之病大則逼胃迫咽苦 而善心難開以言下則易傷於寒易恐於言堅則藏 能傷易傷以憂大則憂不能傷易傷於邪高則滿於 下痛高則上 上氣脆則善病消瘅易傷端正則和利難傷

易傷端 业文 人之 可以 傾也白色小理 而 痛 所 便 可以俛仰為狐疝堅則不病腰背痛脆則善病消 那 ī 心高陽街 不能 正則和利 心脆锅 以強弱不 則善滿善脹也腎小則藏安難傷 堅 仰易傷以邪高則苦背膂痛不可以俛仰下 者肺下 則藏安難傷脆 疾 行高 Š 難傷偏 者肺 形 直 小短舉者心下觸骸長者心下堅 好肩背厚者肺堅肩背薄者肺脆背膺 同也赤色小理者心小粗理者心大 則眇引季脇 小粗 下不舉者心端 **傾則苦腰尻痛也凡此二十五** 則善病消癉易傷端正 理者肺大巨 而痛 正觸 下則 骸倚 **天則善** 下加 膺 Ë 一個新 病 則 和 無 利 何

骨弱者 堅者 者腎端 ໔ 一度 小 理 祺 脾 偏 竆 堅層 日 腎 者 正 脆 傾 者緩 骹 也 一、卷 心 耳 腹 黑 · 堅者腎堅耳薄了 · 色小理者腎小粒 色小理 好相得 無病皆 傾者腎 於 而 肝 而 粗 事難 不堅 高 理 肺 盗 者 合 脆 者 脇 使 胛 免骸 傾 脾 傾也青色小 可 離 (掲層 端 脆 憂 也 五藏皆 於病皆 皆高者 不堅者 者 粗 正 勝骨 肝 者 理 人平反覆言 者 [脾高] 下 一賢大高 胸脇 小者 腎脆 端 好高 理 唇下 舉者 好 舉 少病苦焦 肝 耳 和 好 縱 肝 者 小 耳 3 前居 者腎 也 正 粗 10 得 脣 理 脇 也

膀胱 約不利肉棞不堅者胃緩肉䐃無小理累者胃急肉䐃多 多紆屈者小腸結也脾應肉肉䐃堅大者胃厚肉䐃麽者胃 皮薄者大腸薄皮緩腹裏大者大腸大而長皮急者大腸急 也 医医皮蓝 者脈厚脈厚者小腸厚皮薄者脈薄脈薄者小腸薄皮緩者 而短皮滑者大腸直皮肉不相離者大腸結也心應脈皮厚 所合 愿 **肉胭小而麽者胃不堅肉䐃不稱身者胃下胃下者下管 緩小腸大而長皮薄而脈冲小者小腸** 三焦膀胱者腠理豪毛其應也肺應皮皮厚者大腸厚 肺合大腸大腸者皮其應也心合小腸小腸者照其层 1艦艦 結胃結者上脫約不利也肝應 一彩出 者筋其應也脾合胃胃者肉其應也腎合三焦 爪爪厚色黃者 小而短陽經脈皆 主

焦膀胱 遠 候見其外肝者主為將使之候外欲知堅脆視目小大 焦膀胱緩皮急而無豪毛者三焦膀胱急豪毛美而粗者 厚皮者三焦膀胱厚粗理薄皮者三焦膀胱薄疎腠理者 厚爪薄色紅者膽薄 一穀乃容鼻墜以長以候大腸 主缺盆為之道骷骨有餘以候髑髅肺為之益巨肩陷 為衛使之迎糧視層舌好恶以知吉凶腎者主為外使 色白無約者膽直爪惡青黑多紋者膽結也腎應骨密 昶 直 耳 |稀豪毛者三焦膀胱結也靈樞師傳五藏者心爲 好 恶 以知其性六府者胃爲之海廣頦大頭 É 爪堅色青者膽急爪濡色赤者膽緩 唇厚人中長以候 理

微徐氣以度行六府化穀津液布揚各如其常故能長久使 如是者雖平常殆加之以疾百不一生也靈樞夭年五藏堅 庭不張小其明堂蕃薇不見又卑牆基牆下無基垂角去外 蕃蔽見外方壁高基引垂居外壽考之徵也若五官不辨闕 **外乎此靈樞五色明堂者鼻也闕者眉間也庭者顏也審者** 固血脈和調肌肉解利皮膚緻密管衛之行不失其常呼 民愿货盘 道隧以長牆基高以方通調營衛三部三里起骨高肉滿 外如是者壽必中百歲故五官以辨關庭以張明堂廣大 側也蔽者耳門也五官之位其間欲方大去之十步皆見 乃得終五藏不堅使道不長空外以張喘息暴疾叉卑牆 五藏六府之外候也凡官骸美惡胥稟藏氣生死壽夭 一个经上

明之經其榮髯也少陽之經其榮須也太陽之經其榮眉 者不及二十而死也平人而氣勝形者壽病而形肉脫 形者死形勝氣者微矣此即官骸以測壽夭之法也經脈上 則 一根於藏府而一 而皮膚緩者則壽急者則夭形充 則夭牆基卑高不及其地者不滿三十而死其有因 夭形充而厢肉堅者肉堅肉堅則壽厢肉不堅者肉脆肉 則壽不相任則天皮與肉相 則美而長血氣少則惡而短三經之下者皆循陰 少血其肉不石故中壽而盡也靈樞壽夭剛柔 |樞陰陽二十五人足三陽之上者皆行於頭陽 一身毛髮又秉經氣而生觀之可以知血氣 而額不起者骨小骨 果則壽不相 氣 形 加疾

之事也 眉也太陽之經其榮鬚也血氣盛則美而長血氣少則惡 陽之血氣盛則跟肉滿而踵堅血氣少則跟瘦而善轉筋手 素震炭盤 之血 短三經之下者皆循臂胻而行於手血氣盛則掌內充滿 三陽之上者亦行於頭陽明之經其榮髭也少陽之經其榮 而行於足陽明之血氣盛則下毛美長血氣少則無毛足指 血 內而善寒少陽之血氣盛 | 氣少則掌瘦以寒陽明之血氣盛則掖下之毛美少陽 氣少則手瘦而多脈知皮毛則知經 氣內外合符察微洞幽不逾迹象此亦精義了 兩谷一 則脛毛美長外踝毛堅而厚太 脈知經 蓋 脈則知藏 宛鄰書屋

爲黑五色者五藏之氣所發故五藏在中上結五官外現 素靈微觀卷一 素處微蘊 愈赤腳病者唇黃肺病者喘息鼻張腎病者類與顏黑靈樞 而知之謂之神聞而知之謂之聖問而知之謂之 詞之巧神聖工巧優劣懸殊故四診之中首推空色四 一工堂而知之中工問而知之下工切而知之六十 一歲則色現五官靈樞五閱五使肝病者曾青心病者舌 難肝主色自入為青人心為赤人脾為黃人肺為白入腎 五色解 一卷二 昌邑黄元御坤載著

工切而知

難望

色青黑為病黃赤為熱白為寒五官之中尤重明堂明堂 肝宫於目心官於舌脾官於口肺官於鼻腎官於耳病生 宛 鄰 書屋

以下者股也中央者膝 肠者腎也當腎者臍也面王以上者小腸也面王以下者膀 於中央六府挾其兩側首面上 也肝左者膽也 面也 圆上者 無疾骨陷色天則五藏不安諸病乃作不第 手也 也此藏府之现於面部者也顴者肩也額後 平以直潤澤以清真色以致病色不見則五藏 目內眥上者膺乳 巨屈者膝臏也此支節之見於面部者也 下者脾也方上 咽喉也關中者肺也下極者心也直下者 病則色徵於面按部而發靈樞五色五藏次 也膝以 下者脛 一於闕庭王宮在於下極庭 也 者胃也中央者大腸 挾繩 也當脛以下者足 而上 一者背也循 者臂 也挾 五藏

制也腎乘心心先病腎為應他皆如是也素問玉機真藏論 處其色上行者病益甚其色下行如雲徹散者病方已色從 治色夭不澤謂之難已三部九候論五藏以敗其色不夭夭 形氣相得謂之可治色澤以浮謂之易已形氣相失謂之難 察其澤夭以觀成敗祭其散摶以知遠近視色上下以知病 亂四支不舉毛悴色夭死於春肝悲哀動中則傷魂魂傷 則死矣靈樞本神心怵惕思慮則傷神神傷則恐懼自失破 外走內者病從外走內色從內走外者病從內走外其相 狂妛不精陰縮而筋攣筋骨不舉毛悴色夭死於秋肺喜樂 脫肉毛悴色夭死於冬脾盛怒而不解則傷意意傷則惋 殊方男女 異位浮澤為外沉濁為內察其浮沉以知言深 卷二 ----

熟監乾善溺心煩甚則舌卷卵上 青白乃死矣陽明終者 不通 經盛 則而亦不逆則上下不通面黑皮毛焦而終矣厥陰終者 腎憂愁而不 少陽終者百節皆縱目器絕系絕系 仰毛悴色夭死於季夏五藏之外兼審經脈診 脈其終也戴眼反折瘈瘲其色白絕汗乃出出 而終矣太陰終者腹脹閉不得息善噫善嘔嘔則逆逆 而不行則終矣少陰終者面黑齒長而垢腹脹 則傷魄魄傷則狂意不存人皮革焦毛悴色夭死於夏 經脈手太陰氣絕則皮毛焦太陰者行氣溫於: 止則傷志志傷則喜給其前言腰脊不一 口目動作善驚吳言色黃其上下之 縮 而終矣此十二 日半死其死也色先 要經終論 閉上 則死矣 經之所 可以

於骨髓骨髓不濡則肉不著骨骨肉不相親則肉軟而却故 甲篇 乙死木 勝土也足少陰氣 把則骨枯少陰者伏行而濡 榮則肌肉軟却苦麥人中滿人中滿則層反曆反者肉先死 不流則色不澤其面黑如漆柴者血先死壬篤癸死水勝 とうこと 教育 也足太陰氣紀則脈不榮其層舌層舌者肌肉之本也脈 也足厥陰氣絶則筋絶筋者聚於陰器而絡於舌本脈 **商長而垢髮無潤澤髮無潤澤者骨先死戊篤已死土** 木也五陰氣俱絕則目系轉轉則目運目運者志先死志先 則筋急引卵與舌層青舌卷卵縮則筋先死庚篤辛死金勝 **亅死火勝金也手少陰氣絶則脈不通脈不通則血不流血** 毛焦則津液去皮節傷爪枯毛折毛折者毛先死丙 一、金二

經脈之外兼察絡脈經脈十二者代行分內之間深而不見 魚之絡,多青矣胃中有熱魚際絡赤其暴黑者留久痺也 其常見者手太陰過外踝之上無所隱故也諸脈之浮而常 見者皆絡脈也凡診絡脈青則寒且痛赤則有熱胃中寒手 **有赤有黑有青者寒熱氣也其青短者少氣也靈樞論疾診** 耳間青脈起者掣痛平人氣象論臂多青脈日脫血經 四時而行也寒多則凝濇疑濇則青黑熱多則淖 日半死矣六陽氣俱絕 出大如賞珠轉出不流旦占夕死夕占旦死矣 而絡無常變也陰絡之色應其理陽絡之色變 則陰與陽相離離則腠

鹽青欲如蒼璧之澤不欲如藍黃欲如羅褒雄黃不欲如黃 民意改宜 色之奇脈面黄目青面黄目赤面黄目白面黄目黑者皆 死 也面青目赤面赤目白面青目黑面黑目白面赤目青皆 短以白為黑以長為短如是則精衰精衰則神敗壽命不 死也論疾診尺目赤色者病在心白在肺青在肝黃在脾黑 |黑欲如重漆色不欲如地蒼夫精明者所以別白黑觀 腎黃色不可名者病在胸中診目痛赤脈從上下者太陽 一部九候論目匡陷者死神敗故也五藏生成論凡相 下上者陽明病從外走內者少陽病診寒熱瘰癧赤 也赤欲如白裹珠不欲如赭白欲 W 3/431 1 脈 脈牛一 歲半死見二版一 鹅羽不欲 死 都 書屋

| 微黄菌 微腫先見於目下也靈樞水脹水始起也目窠上微腫 察其目知其散復者視其目色以知病之存心也益色者蔵 爲小腹痛下爲卵痛其園直爲莖痛高爲本下爲首女子 臥起之狀腹脹身皆大大與膚脹等也論疾診尺目痛而 府經絡之外榮一 於面王爲膀胱子處之病散爲痛摶爲聚赤色見於顏 死大要以浮澤為生沉夭為死五藏生成論青如翠羽岩 **亦如雞兒者生黃如鄉腹者生白如豕膏者生黑如鳥** 「垢黄爪甲上黃黃疸也靈樞五色男子色在於面 病雖小愈必卒死黑色出於庭大如拇指必不病 一脈半二 一病見則 | 歲半死見三脈三 一色應素問評熱病論諸有水 如新

望而知子長謂越人飮上池而見五藏非解者之言矣 民屋收丘 素問三部九候論五色微診可以目察五藏相音可以意識 神之舒썋氣血之通塞無不徵之於色病色一 枳實者死黑如始者死白如枯骨者死此五色之見死也凡 八節藏象論五氣人鼻藏於心肺上使五色脩明音聲能彰 一藏別論心肺有病鼻為之不利靈樞本神肺氣虛則鼻塞 |者氣之所發氣者肺之所司闢尹子金堅故實爲五聲 利少氣實則喘喝胸盈仰息故肺病則見之於氣氣病則 聲解 五色之見生也青如草兹者死赤如虾血者死黃如 然五藏皆有氣則五藏皆有聲氣可於肺而傳於 拞 見則上工

嘔胃脘湳腹脹善噫足少陰病則飢不欲食欬唾則有血 為噫肺為欬肝為語脾為吞腎為欠為變胃為氣逆為噦怠 氣在音爲羽在志爲恐在聲爲呻宣明五氣論五氣所病心 音為徵在志為喜在聲為笑脾秉土氣在音為宮在志為憂 五聲肝秉木氣在音為角在志為怒在聲為呼心秉火氣在 心態 聲為歌肺秉金氣在音爲商在志爲悲在聲爲哭腎秉 腎為呻自入為哭葢人秉五氣而生五藏五氣所發是 藏則為五氣發於五藏則為五音聞聲而五音以辨則五 而喘足少陽病則舌苦善太息面微有塵體無膏澤陰陽 極經脈足陽明病則灑灑惡寒苦呻數欠足太陰病則 喝

別論 徐故爲晞憂思則心系急心系急則氣道約約則不利故 今有故寒氣與新穀氣俱還入於胃新故相亂真邪相攻氣 陽氣和利滿於心出於鼻故爲變穀 於陽夜行於陰行陽則寤行陰則寐陽者主上陰者主下陰 氣積於下陽氣未盡陽引而上陰引而 記しい見ん 問寒氣客於胃厥遊下上散復出於胃故為感衛氣晝 也愈者脾之聲也而亦見於手少陰者子病則傳母也 相逆復出於胃故爲嗾陰氣盛而陽氣虛陰氣疾而陽 伸出之呻者腎之聲也而亦見於足陽明者水勝 所謂 陰發病主發縣背痛善應若欠 **一走心||而噫者陰盛||而上** 入於胃胃氣上注 下陰陽相引故數 名日 一走於陽 風厥靈 **克都書** 明陽

| 噫寶命全形論弦絕者其音嘶敗木敷者其葉發病深者其 聲歲几聲之不雜氣氣之方升而未升則其聲怒氣之方降 陰者子病而累毋也二陽者手足陽明一陰者手足厥陰也 於足厥陰傳母則見於手陽明也而諸聲之中莫重於懷素 問三部九候論若有七診之病其脈候亦敗者死矣必發蝦 絡屬心故上 而未降則其聲悲氣之已降則其聲恐氣之已升則其聲喜 肝膽主驚此則土金木火發病皆主驚駭者手之陽明則金 不足之陽明則木勝土手之厥陰則子傳母也欠者腎之 一也水滅火則見於手厥陰侮土則見於足陽明傳子則 則聲宏氣怯則聲細氣塞則沉鬱而不揚氣散則浮 ·走心為噫也喘欬者肺之聲也而亦見於足

弄锰份雜

一

100 100 THE

者神氣所使主發舌者也厭小而薄則開闖利其出氣疾厭 傳之矣靈樞憂患無言咽喉者水穀之道也喉咙者氣之所 **盛則清而長陰氣盛則濁而促陰陽應象論視喘息聽聲音** 言語善惡不避親疎者此神明之亂也得守者生失守者死 聲之機也 懸雅者音聲之關也頏顆者分氣之所泄也橫骨 而知所苦良工聞聲而知病者以氣寓於聲也然氣也而神 以上下也會厭者音聲之戸也口層者音聲之扇也舌者音 而不歸氣滑利則流暢而敏給氣結滯則梗澀而遲發陽 こしっこしくし 是中氣之濕也言而微終日乃復言者此奪氣也衣被不敛) 脈要精微論五藏者中之守也中盛藏滿聲如從室中 而厚則開闔難其出氣運而氣之所以壅疾則神之所使 日本事品

哀而已歎鄧析子體痛者口不能不呼心悅者顏不能不笑 譚子所謂語不靈而聲靈也 莊子強哭者雖悲不哀強親者雖笑不和故語可偽也而聲 較之絲竹金石更近自然陸士衡文賦思涉樂其必笑方言 琴瑟無情之物而情達焉聰者審音知其情狀而悉其善惡 故陽虛而見讀言百無 以聲通乎氣而氣通於神也况人以神氣之激盪發為五聲 |樞師傅臨病 **用居四診之一中工** 可偽神氣之黙喻也由五聲而知五氣由五氣而測五神 オニ 人問所便中暑消癉則便寒寒中之屬則侵 一用藥寒熱不失全憑此法藥之寒熱 生神敗故也古之言音者於鐸鼓

飢臍以. 热腸 中寒者 後獨熱者肩背 腹 有 服腸 於上 也頭熱而足寒者土敗火泄不能下蟄於癸水也朝宗 違 工其寒熱之上下厥有外候胃中熱則消穀令人懸心善 文記 以上熱 病 腹中寒凡身熱而肢寒者土敗 中寒則腸鳴發 而 反 寒則疾 一皮熱腸中熱 肵 不便於下也從其上之便而遠其 手所獨熱者腰以下熱肘前獨熱者 飢小腹 別藥 熱臂中獨熱者 熱下寒口嗜寒冷及其入腹 則出黄 痛 泄 而病增矣 脹 胃中寒腸中熱則脹 飧 (如麋臍) 腰腹熱掌中熱者腹中熱掌 泄靈樞 但寒熱有 陽虧不能 論疾診尺 以下皮熱胃中 上下病· 下之不便是為 而痛滿泄利 加 肘所獨熱 不泄 包 膺前熱肘 入所 氣於 寒 胃 則 中

也飲而不食者能消不能受也喜吞乾燥者水旺而土濕 均平則胛升而善消胃降而善受食而不飢者能受不能 其身上之寒熱問其飲食所便之寒熱參之則無微不彰矣 而 不歸則生外熱外熱者多有內寒此藏府寒熱之外候 ラスを 滋潤者 食者藏府所消受也胛以濕土主令胃從燥金化氣燥濕 飯而脹滿者陰 來 不消者陽明之燥減也早食而困倦者陽衰而濕旺 者 有 莉 不達也陽鬱不發則生外寒外寒者容有 日夕陰盛而陽氣不藏也發熱 火盛 也飲食入胃而臍腹鬱悶者脾陷而不升也 而土燥也食宿不能化者太陰之濕增 盛而燥虚也水穀 下咽 而惡寒者表閉經鬱 而胸膈壅塞 内熱陽泄 也 业

汪於前則穀傳於後而大便堅鞭陽衰土濕但能化穀不能 泄利者 濕脾氣 水水穀並入於二腸故大便利而小便澀木性上達水盛 甲木 刑 氣上歸肺部氣降津生由經絡而慘膀胱是爲小便 入膀胱故乙木下泄但能開其穀道不能開其水道 **文** 巡噎膈之家大便偏塞雖溺色紅濁糞 胃則生嘔 則下决穀道而爲溏泄小便之利木泄之也水入二 | 押陷 加加 下昭抑し木升達之性鬱怒衝突則生痛 則 而黃赤者土濕木陷 胸肠 吐嘔吐者胃逆而不受也乙木賊牌則 而不消也水之難化較甚於穀水穀消磨化 胛屑而乙木 而不能 下抑則廢肋作 泄也淋瀝之家 脹衝 一腸

息憂者脾之情也悲者肺之情也恐者腎之情也寤 肝之聲也笑者心之聲也歌者脾之聲也哭者肺之聲也 也腐者腎之氣也酸者肝之味也苦者心之味也甘者脾之 若腎之聲也青者肝之色也赤者心之色也黃者脾之色也 味也辛者肺之味也鹹者腎之味也淚者肝之液也汗者心 燥者肝之氣也焦者心之氣也香者脾之氣也腥者肺之 為五氣瘀為五味活為五液發為五聲徵為五色感為五情 中焦也庚桑子人鬱則為病 **脾土濕寒木鬱不能疏泄鬱陷而生風熱傳於下竅 自者肺之色也黑者腎之色也怒者肝之情也喜者心之** 液也涎者脾之液也涕者肺之液也睡者腎之液也呼者 中氣堙塞四維莫運由是而蒸 無關於

素證敞監 陽之動静也衛氣蓋行於六經則陽動而爲寤夜行於五 **搔癡者皆經氣之閉痺也一證之見必有至理內而五藏六** 降則衛氣升逆而廢眠睡衛秉金氣其性收敛收敛失政而 神之類質問詳悉合而審焉病如洞垣矣問法在於善解解 則爲痛行而不暢則爲癢內外感傷諸病筋脈痛楚而皮膚 敗而陽泄也痛癢者氣血之鬱塞也經絡壅滯氣阻而不 則陰靜而為寐而衛氣之出入司之中氣陽衰土濕陽明 少陽不蟄則膽木虛飄而生驚恐虛勞之家驚悸不寐者 外而四肢九竅凡寒熱痛癢飲食寤寐聲色臭味情志形 診法解 則問致其詳不解者不能問也 一个公二 死 都 書屋

骨指和陽額陽 脈 次膠之厭之 陽 有 診 進 有 里間指中 經 脈 則 部 候 歧 精 但 地 診魚 候 微論 兩 類之 者 絡 則 掮 陰 有 脈調 動 後 儵 天 部 也 与氣 也 有 世 九 淵地足 地 寸後門之經倉陽 Ń 所 宗 診 未 且 陷銳在動渠大明 骨臂脈即迎之 也 亂 周 故 部地 部 乃 間後 部 部 天 則 可 耳前· 診 候 啊 氣 下 絲 部 陽 額 有 之 過 之 明 也 動 有 迎 散 動脈 在台 脈 銷 候 大骨少手沙

当行

數 那 數 七診之病其脈候亦敗者死三部九候皆相失者死中部 稠 者為陽以日中死氣交變論歲木太過 **乍疎者死九候之脈皆沉細弦絕者陰以夜半死躁盛喘** 陷 之天 下者病所謂七診也七診雖見九候不從者 土太過 獨大者病獨疾者病獨遲者病獨熱者病獨寒者 氣地以候 死不治歲火太過炎暑流行肺金受邪太淵絕 神門絶死 雨濕流行腎水受 地 邪太衝 不治是皆三部九候之法 以 口齒之氣人以候耳目之氣察九候 候胸中之 絶 死不治歲 氣 邪太谿絕死不治歲金 風氣流行脾土受 水太過寒氣流 候心上部之天 他氣 不死若

春夏人迎微大秋冬寸日微大如是者命日平人人迎大 陰行氣於三陰故以之候裏靈樞禁服寸口主中人 太陰之 府脈府陽盛則人迎大於寸口虛 八迎四倍且大 脈 太陽二倍 於寸口病在足少陽一倍而躁在手少陽人迎二倍病 在手陽明盛 原氣口候陰 氣 一得稿 口藏 脈藏 魚 而躁在 病在足厥陰 際下之 Ħ. 陰盛 危 則為熱虛則為寒緊則痛痺代則乍盛乍 人迎候陽陽明行氣於三陽故以之候表 数名日流陽流陽 動 手太陽人迎三倍病在足陽明三倍 則氣口大 脈 人迎者足 倍而躁在手心主寸口二倍 於人迎虛 則小於寸口靈樞九鍼 陽明之 為外格 則 小於人迎人 一經結疾旁之 迎土 迎 Ar

新典電屋

溢陰溢陰為內関死不治靈樞經脈人迎與脈口俱盛四倍 於寒氣口盛堅者傷於食以傷食則藏鬱於裏故無口盛 **溺色變緊則痛痺代則乍痛乍止寸口四倍且大且數名** 而躁在手太陰盛則脹滿寒中食不化虛則熱中出麋少氣 在足少陰三 。極敗區 者常 寒則經鬱於表故人迎盛堅也但診氣口者靈樞經脈經 十度平旦而復會於寸口肺主氣經脈之動者肺氣鼓 之脈氣皆朝宗於肺脈寸口者脈之大會 茗 不 日期格開格者與之短期靈樞五色人迎盛堅者 可見也其虛實也以氣口知之緣肺朝百脈十 倍而躁在手少陰寸口三倍病在足 一卷二 | 經中故十二經之盛衰悉見於寸口此氣 日 宛鄰書屋 夜脈行

陰者主下凡脈氣上行者病 與心肺 者 寸部[·] 左外以 少腹 三陽自手走頭 也前以 在經渠之分即 同候 腰 獨為五藏 內兩傍則季脇也尺外以候腎尺裏以 股膝脛足中事也關前為陽關後為陰陽者 於兩寸庸醫乃欲候大小腸於兩尺不通 内以候) 候前後以候後 候肺内以候胸中左 主也寸口在魚際之分關上 大小腸位居至下而 鬲 三部九 右外以 見於上脈氣下行者病見 侯論所謂中部之天也脈 上竟上者胸疾中事也 一候胃內以候脾兩渴部 外以候心內以候 部之法 脈則行於 一在太 候腹中 下竟 至 淵 亶 也

脈之法靈樞垂論疾診尺之篇日審其尺之緩急小大滑濇 脈弦心脈釣脾脈代肺脈毛腎脈石脈要精微論天地之變 內之堅脆而病形定矣葢觀上可以知下察下可以知上 動脈與之上下以春應中規夏應中矩秋應中衡冬應中權 陰陽之應彼春之暖爲夏之暑彼秋之忿爲冬之怒四變之 奕故春之脈升夏之脈浮秋之脈降冬之脈沉宣明五氣肝 参也天地之 **調善調** 長島数塩 是故冬至四十五日陽氣微上陰氣微下夏至四十五 氣微上陽氣微下陰陽有時與脈爲期期而相失如脈 法祖也下士不解是以安作如此氣口之中又有 下者不待於尺善調尺者不待於寸也人與天地相 氣四時选運人之脈氣與之息息相應毫髮不

盛去 端直 肝也東方木也萬物之所以始生也其氣來耎弱輕虛而 始始之有經從五行生生之有度四時爲宜春日浮如魚之 分之有期故知死時微妙在脈不可不察察之有紀從陰 其來不實 脈者 日鈎 在骨盤蟲 而顛疾不及則令人胸痛引背下則兩脇胠滿夏脈如鈎 在波夏日在膚泛泛乎萬物有餘秋日下膚蟄蟲將去 以長故日弦反此者病其來實而強此謂太過病在 反盛此謂不及病在中太過則令人身熱而膚痛 心也南方火也萬物之所以盛長也其氣來盛 反此者 而微此謂 周密君子居室玉機真藏論春脈如弦春脈者 后病其來盛去亦盛此謂太過病在 不及病在中太過則令人善忘忽忽眩

7

|冬脈如營冬脈者腎也北方水也萬物之所以合藏也其氣 而背痛 外其去如數者此謂不及病在中太過則令人解㑊脊脈痛 **水沉以摶故日營反此者病其來如彈石者此謂太過病在** 急去散故日浮反此者病其來毛而中央堅兩旁虛此謂 過病在外其來毛 者肺也西方金也萬物之所以收成也其氣來輕虛以浮 少氣不欲言其不及則合人心懸如病飢胗中清脊中痛 其 小便變牌脈者土也 可見其來如水之流者此謂太過病在外如鳥之喙者 不及 及則令人煩心上見欬唾 則令人嗚呼吸少氣而欬上氣見血下聞病音 而微此謂不及病在中太過則令人逆氣 孤藏以灌四旁者也善者不 下為氣泄秋脈如浮秋 十四四 **范耶**

散於肝肝藏筋膜之氣也夏胃微鈎曰平鈎多胃少曰心 日今病藏真濡於脾脾 但鈎無胃日死胃而有石曰冬病石甚曰今病藏眞通於心 **臧真高於肺以行營衛陰陽也冬胃微石日平石多胃少** 通 無胃日死時 少日肺病但毛無胃日死毛而有弦日春病弦甚日今病 肝病但弦無胃日死胃而有毛日秋病毛甚日今病藏真 魚也 脈之 日重强平人氣象論平人之常氣稟於胃胃者平 及病在中太過則令人四肢不舉不及則令人九八 氣也長 無胃氣日逆逆者死春胃微弦日平弦多胃 更代與代止不同也耍弱而石日冬病石乃脾之平縣言體四耍弱而石日冬病石也長夏胃微爽弱日平弱多胃少日脾病 藏肌肉之 氣也秋胃微毛日平毛

心平夏以胃氣為本病心脈來喘喘連屬其中微曲日心病 於腎腎藏骨髓之氣也平心脈來累累如環珠如循項环日 腎病但石無胃日死石而有鈎日夏病鈎甚日今病藏真下 雞羽曰肺病死肺脈來如物之浮如風吹毛曰肺死平肝脈 MK 公司 人人 1911 如落榆莢日肺平秋以胃氣為本病肺脈來不上不下如循 死心脈來前曲後居如操帶釣日心死平肺脈來縣厭聶聶 **牌脈來實而益數如雞舉足日脾病死脾脈來銳堅如鳥之** 來 如循長竿日肝病死肝脈來急益勁如新張弓弦曰肝 **耎弱招招如揭長竿末梢日肝平春以胃氣爲本病肝** 如鳥之距如屋之漏如水之流日脾死平腎脈來喘喘 **脾脈來和柔** 相離如雞踐地日脾平長夏以胃氣為本 ||宛 鄯 書 屋

肉破 滿喘息不便其氣動形期六月死真藏脈見乃與之期日大 骨枯槁大肉陷下胸中氣滿腹中痛心中不便肩項身熱破 消 骨枯槁大肉陷下胸中氣滿喘息不便內痛引肩項身熱脫 按之意堅日腎病死腎脈來發如奪索辟辟如彈石日腎 藏雖不見猶死也所謂不勝之時者肝見庚辛死心見壬癸 勝之時乃 腘 脱肉! 動作日衰真滅未見期一 如鈎按之而堅日腎平冬以胃氣為本病腎脈來如引葛 照真藏脈見十日之內死大骨枯槁大肉陷下骨髓 匡陷真藏見目不見人立死其見人者至其所 死其脈絕不來若人一呼五六至其形肉不脫真 歲死見其真藏乃與之期日 内

拼

葯

老

[[代皇王 炎 红 列急如 死真肺脈至大而虚如以毛羽中人膚色白赤不澤毛折乃 死真脾脈至弱而乍數乍疎色黃青不澤毛折乃死眞腎脈 | 搏而絶如指彈石辟辟然色黑黃不澤毛折乃死諸真藏 氣者 心脈至堅而摶如循薏苡子累累然色赤黑不澤毛折乃 見者皆死不治也五藏者皆稟氣於胃胃者五藏之本 以水穀為本故人絕水穀則死脈無胃氣亦死所謂無胃 者但得真藏脈不見胃氣也所謂真藏脈者真肝脈至 見甲乙死肺見丙丁死腎見戊已死是謂真藏見皆死 不能自致於手太陰各以其時自胃而至於手太陰 循 刀刃嘖嘖然如按琴瑟弦色青白不澤毛折乃死 氣衰也病甚者胃氣不能與之倶至於手太陰 定即彗星

部也如九茲之重與肌肉相得者脾部也如十二菽之重與 之重與皮毛相得者肺部也如六菽之重與血脈相得者心 然之性也人一呼脈再動一吸脈再動呼吸定息脈五動 故真藏之氣獨見獨見者病勝藏也故曰死遲速者陰陽 沉而實堅者腎也沉而牢長者肝也五難初持脈如三 此至之脈也一呼一至日離經二呼一至日奪精三呼 日誰經一呼四至日奪精一呼五至日死一呼六至日命 則脈數陰凝則脈遲數則為熱遲則為寒十四難 也心肺俱浮腎肝俱沉浮而大數者心也浮而短牆者肺 太息脈六動命日平人平人者不病也陽性急陰性緩陽 日死四呼一至日命絕此損之脈也浮沉者陰陽自然之 えたこ 一呼三

内陽 陽位於上而根於下陰位於下而根於上陽盛者下侵陰位 ふっきごんく 主山 者四藏無氣不滿十動一 以為陽旺是當參伍而盡變也代者數疎之不調也靈樞 而見沉數不可以為陰旺陰盛者上侵陽位而見浮數不 動一代者二 平者肝部也按之至骨舉指來疾者腎部也陽主外陰 者乍疎乍數也乍疎乍數者代更之象與宣明五氣之言 日 而不一代者五藏皆受氣四十動一 則脈浮陰凝則脈沉浮為在表沉為在裏病甚者 夜五十營以營五藏之精不應數者名日狂生五 W.V. 一藏無氣二十動一代者三藏無氣十動 加沉細夜死浮大晝死陰陽之理彼此互根 代者五藏無氣與之短期與之短 代者一 藏無氣 T.

另子之平脈女得之而病作女子之病脈男得之而疾瘳此 者不及期也尺寸者陰陽之定位也男女殊稟陰陽不同受 出今吸不能至腎至肝而還故知一 腎與肝呼吸之間脾受殼味也其脈在中呼則氣升於心 由 腎而肝由肝而脾由脾而心由心而肺可類推也氣盡 恒弱寸脈恒盛女子尺脈恒盛寸脈恒弱是其常也故 不至於一藏則脈必代矣十一難吸者隨陰入呼者因 别診法亦異十九難男脈在闆上女脈在闆下男子 同 期之遲速不應者倉公所謂安穀者則過期不安 降於腎肝一呼一吸經脈五動之間 也呼吸者氣之所以升降也四難呼出心與肺吸 藏無氣者腎氣先盡 即可以候五

一 卷二

其在傷寒皆得之汗多陽匕惟少陽之證相火鬱 下傷陰甲木枯槁丙賊戊土乃有小建中炙甘草證重用芍 **東賦之定數** 不生聖 不可勝數是皆無知安作誤人性命而下士奉行不替 如四物八珍七寶六味歸牌補心滋腎養營之類紛紜 昭代以還著作如林竟無一綫微通者今之庸愚習用諸 種言則荒唐而訛謬法則怪姜而差池上自東漢以來 仲景金匱之法作千金之方不失古聖之源其餘方書數 自岐伯立言仲景立法百世之師也後此惟思邈真人 文 路方解 訌 一人千里不産賢士何凌夷以至於斯耶驚悸之證 也

丹肆用一 心 陽乃作六味湯丸以滋陰虧薛氏推廣其義以治男女勞傷 夜熱之證因陰旺土濕肺胃不降君相失根二火升泄錢 **峰呂用晦更增地黃芍藥之輩復有無名下士作天王補** 3 致令生靈 血薛立齊又有丹皮梔子加味之法張景岳趙養葵高 魂 而究其脾腎終是濕寒嚴用和買昧而造歸脾之方以 板货相諸法不可緩悉完其源流泄火之論發於劉 1 地以清相火至於內傷虚勞驚悸不寐俱緣水寒土 病張氏趙氏高氏呂氏祖述而發揚之遂成海內 派陰凉羣兒醉夢不醒成此千秋殺運可恨極矣 天札死於地黃者最多其何忍乎下至二 相火上旺而宜清潤者即其千百之中偶而 地

陽認矣而當歸黃耆亦復支離無當薛氏單效尤而習用之 之三陽自頭走足凡胸脇壅滿上熱燔蒸皆足陽明少陽之 間補陰之說倡於朱丹溪二 **砆那可解也諸如此類連床充棟更僕難明昔徐世勣少年** 作無賴賊淫人則殺檢閱古今方書何其無賴賊之多而 **羌活之法雜亂無律而俗子遵行天下同符棄圭璧而寶碔** 逐成不刊之法風寒之證仲景之法備矣陶節庵矣作九味 不降也李東垣乃作補中益氣之方以升麻柴胡升膽胃之 八君子之少也設使賈太傅尚在不知如何痛哭矣 一卷二 悍作俑羣凶助虐莫此后甚足 九一宛鄉看屋

素塵胶塩